



CYNLLUNIAU MARCIO TAG

**TAG (NEWYDD)
CYMRAEG: IAITH GYNTAF - UNED 6
1000N60-1**

HAF 2018

RHAGARWEINIAD

Defnyddiwyd y cynllun marcio hwn gan CBAC ar gyfer arholiad 2018. Penderfynwyd arno'n derfynol yn dilyn trafodaeth fanwl mewn cynadleddau arholwyr gan yr holl arholwyr oedd yn ymwneud â'r asesiad. Cynhaliwyd y gynhadledd yn fuan ar ôl sefyll y papur fel y gellid cyfeirio at yr amrediad llawn o ymatebion ymgeiswyr, gyda sgrïptiau wedi'u llungopïo yn sail i'r drafodaeth. Amcan y gynhadledd oedd sicrhau bod y cynllun marcio wedi'i ddehongli a'i gymhwysu yn yr un modd gan yr holl arholwyr.

Gobeithir y bydd y wybodaeth hon o gymorth i ganolfannau ond cydnabyddir ar yr un pryd y gallai fod gan athrawon safbwyntiau gwahanol ynglŷn â manylion neu ddehongli gan nad ydynt wedi bod yn rhan o'r gynhadledd farcio.

Mae'n flin gan CBAC ond nid oes modd iddo ymgymryd ag unrhyw drafodaeth na gohebiaeth am y cynllun marcio hwn.

Cynllun Marcio Uned 6 Haf 2018

ADRAN A – Gwerthfawrogi Llenyddiaeth

Nadolig 1966

- Y bardd yn agor y **gerdd vers libre** drwy **gwestiynu** a fydd y gwir Nadolig a'i ysbryd da yn cyrraedd Durham ym 1966. Mae'r **cwestiwn cyntaf sydd ar wahân** yn gosod y nawws i'r gerdd. '*A ddaw'r Nadolig i Ddurham, A gofir yno'r Oen dinam?*'
- Ceir dilyniant o atebion a roddwyd ar raglen deledu yn 1966 yn cyfiawnhau peidio ag agor siop elusen er mwyn helpu'r rhai llai ffodus. Pwysleisir gwedd fasnachol yr ŵyl sef ei bod yn hanfodol i bawb dalu trethi ac nad oes lle i gardotwyr. Rhoddir pwyslais ar ariangarwch a busnes - '*Ond i bobol dalu trethi 'dych chi'n deall, ynte?*' '*Adeg busnes ydi dechra' Rhagfyr yma*'. Cyflëir pa mor ddidostur yw cymdeithas.
- Defnyddio **odli a rhythmau'r iaith lafar** '*bod yn ffeind,*' '*dych chi'n deall, ynte?*' '*wn -i-ddim-ble*' yn effeithiol wrth gymeriadu.
- Yng nghanol yr **ymatebion negyddol** hyn mae'r bardd yn holi a ddylem gyfrannu tuag at y tlawd a'r newynog a cheir **geirfa goeth, cyflythrennu** ac **odl gyrch** i bwysleisio

*'Oni chredwch chi fod yr amser hwn
Yn adeg i geisio ysgafnu pwn
Y sawl sy'n llwythog, neu'n adeg i roi
I'r noeth a'r newynog?'*

- Yn yr atebion sy'n dilyn pwysleisir materoliaeth a hunanoldeb dyn a'r ffaith nad yw'n briodol yn y byd modern i sôn am ewyllys da. Cyflëir dirywiad cymdeithas a'i chydwybod. Does dim lle i frawdgarwch ym mwrlwm byd busnes.

*'Rydw i'n ddigon bodlon i bawb fod yn hael
Ond i hynny beidio â bod ar fy nhraul
I.'*

Sylwer ar arwyddocâd y **rhagenw** 'I' fawr mewn **llinell ar ei phen ei hun**. Ymddengys yma nad oes gan bobl gydwybod.

- Parhau i watwar a wna'r bardd gan bwysleisio'r rhagrith. Sylwer ar y defnydd o **dafodiaith** ac o **eiriau benthg** sy'n cyfleu'r diffyg urddas '*blydi grêt,*' '*owt of det*'. Gellir awgrymu bod yr **iaith sathredig** yn cyfleu agwedd y bardd tuag atynt. Ceir yma **ddychan, cynnil**.
- Ceir darlun yn ail ran y gerdd o'r bugeiliaid a'r doethion yn dod i Fethlehem i addoli'r baban Iesu. Mae'r **gyfeiriadaeth Feiblaidd** yn newid **naws y gerdd** yn llwyr a cheir darlun o wir ystyr y Nadolig yma. Dyma **gyfosod dau gyfnod** sy'n effeithiol i bigo'n cydwybod.
- Mae **rhythm y dweud yn arafach** a cheir cyfle i fyfyrion ar ryfeddod y geni gyda'r pwyslais ar oleuni'r nef. Mae'r **arddull Feiblaidd a'r dyfyniadau Beiblaidd** yn **cyferbynnu'n llwyr** â'r dyfyniadau blaenorol: '*angel yr Arglwydd,*' '*gogoniant yr Arglwydd,*' '*gwelsom ei seren Ef*'.
- Mae'r pwyslais ar y **rhagenw 'EF'** a gaiff ei **ailadrodd** yn **cyferbynnu'n briodol** gyda'r **rhagenw 'I'** ynghynt.
- Yn rhan olaf y gerdd mae'r bardd yn gofyn faint o ddylanwad gafodd geni'r baban ar y byd: '*A ddisgleiriwyd y nos gan ei seren Ef?*' Sylwer ar y defnydd o **ferfau amheronol** '*lathrwyd,*' '*disgleiriwyd,*' sy'n cyfrannu at yr ieithwedd ffurfiol.

- Ceir ateb wrth gyfeirio at y croeshoeliad a gaiff ei **ddelweddu** gan ‘dywyllwch’, ‘hoelion’ a ‘gwaed’. Gwêl y bardd y gymdeithas mewn tywyllwch, gair a gaiff ei **ailadrodd** i bwrpas. Mae'r **ddelwedd** hon o Grist ar y groes yn effeithiol ac awgrymir bod cymdeithas wedi anghofio am ei aberth drosom. Defnyddir **berfenwau** ‘hongian’ a ‘lladd’, a geiriau megis ‘hoelion’, ‘gwlyb’ a ‘gwaed’ i bwrpas.
- Cwestiynu eto a wna'r bardd gan **ailadrodd** wrth ofyn a fu felly oleuni ar ôl i Grist farw drosom: ‘Ond oni fu felly eni? Oni fu felly oleuni?’ Ceir **cyferbyniad** amlwg rhwng goleuni a thywyllwch y sefyllfa. Defnyddir ‘goleuni’ a ‘geni’ fel **symbol** o obaith.
- Mae'r bardd yn y clo fel petai'n ymbil ar y Fam Fair; ‘O Fair fam’. Dychwelir eto i gwestiynu sy'n cyfleu ansicrwydd y bardd. Nid yw'r amheuon ar ddechrau'r gerdd wedi eu datrys. Tybed a yw'n anobeithio fod cymdeithas wedi colli'i chrefydd? Yr awgrym yn y gerdd yw nad yw geni'r baban wedi dylanwadu ar wŷr busnes Durham, neu nad oes ewyllys da yn eu calonnau. Eto mae **ailadrodd** y ferf ‘daw’ a'r **cymeriad geiriol** ‘A’ yn pwysleisio difrifoldeb y cwestiwn ond efallai'n awgrymu y gall hyn ddigwydd.
- Dengys y bardd pa mor faterol a hunanol ydym ni gan **gyferbynnu'n** bennaf rhwng gwir reswm y Nadolig a'r modd yr ydym yn ecploetio'r wyl. Does dim brawdoliaeth yma - ‘Does 'na ddim lle’ i'n cyd-ddyn sydd angen cymorth.

Synoptig

Gellir cydio mewn agweddau o ran themâu megis:

Hunanoldeb cymdeithas
 Rhagrith cymdeithasol
 Pigo cydwybod
 Dirywiad moesau cymdeithasol
 Crefydd
 Cyd-ddyn

AA2	AA2 - ystod y marciau (20)	AA3	AA3 - ystod y marciau (20)
<ul style="list-style-type: none"> • crynhoi ffeithiau cymhleth a pherthnasol, eu cymhwyso a'u cyflwyno'n strwythuredig • arddangos dealltwriaeth gadarn a threiddgar o'r cysyniadau • dadansoddi a dehongli'n dreiddgar • datblygu ac ehangu ar syniadau'n drefnus a chydlynol • cyflwyno tystiolaeth drwy gyfeirio at rannau penodol o'r testun a defnyddio dyfyniadau'n effeithiol • dadansoddi arddull a ffurf/mesur yn dreiddgar • defnyddio termau gwerthfawrogi llenyddiaeth yn ddeallus • croesgyfeirio'n ddeallus rhwng amrywiol destunau wrth ymdrin â gwahanol agweddau ar y thema/themâu a thechnegau arddull 	16 - 20	<ul style="list-style-type: none"> • mynegi syniadau a dadleuon cymhleth yn rymus, yn glir a chroyw • rhoi sylw manwl i gywair, ffurf a chynulleidfa drwy amrywio'r arddull yn sensitif • saernïo'r gwaith yn fwriadus er mwyn cyfleu cymhlethdod ac amlochredd y pwnc • arddangos cyfoeth o adnoddau iaith • meistrolaeth drylwyr ar ramadeg a chystrawen 	16 - 20
<ul style="list-style-type: none"> • crynhoi ffeithiau perthnasol yn effeithiol, eu cymhwyso a'u cyflwyno'n gydlynol • arddangos dealltwriaeth sicr o'r cysyniadau • dadansoddi a dehongli'n dda • datblygu ac ehangu ar syniadau'n drefnus • cyfeirio at rannau perthnasol o'r testun a defnyddio dyfyniadau yn addas a phwrpasol • dadansoddi arddull a ffurf/mesur yn addas a phwrpasol • defnyddio termau gwerthfawrogi llenyddiaeth yn effeithiol • croesgyfeirio effeithiol rhwng amrywiol destunau wrth ymdrin â gwahanol agweddau ar y thema/themâu a thechnegau arddull 	13 - 15	<ul style="list-style-type: none"> • mynegi syniadau a dadleuon cymhleth yn glir a chroyw • rhoi sylw manwl i gywair, ffurf a chynulleidfa drwy amrywio'r arddull • saernïo'r gwaith yn ofalus er mwyn cyfleu cymhlethdod y pwnc • arddangos adnoddau iaith da • arddangos gafael sicr a chywir ar ramadeg a chystrawen 	13 - 15
<ul style="list-style-type: none"> • crynhoi'r ffeithiau perthnasol yn effeithiol a'u cyflwyno'n gywir • arddangos dealltwriaeth dda o'r cysyniadau • dadansoddi ac ymresymu'n foddhaol • datblygu ac ehangu ar y prif syniadau'n drefnus • cyfeirio weithiau at rannau perthnasol o'r testun a defnyddio dyfyniadau addas • dadansoddi arddull a ffurf/mesur yn foddhaol • defnyddio termau gwerthfawrogi llenyddiaeth yn gyson • croesgyfeirio'n synhwyrol rhwng gwahanol destunau wrth ymdrin â gwahanol agweddau ar y thema/themâu a rhai technegau arddull 	10 - 12	<ul style="list-style-type: none"> • mynegi syniadau a dadleuon lled gymhleth yn glir • rhoi sylw boddhaol i gywair, ffurf a chynulleidfa drwy amrywio'r arddull • cynllunio'r gwaith yn ofalus er mwyn cyfleu gwahanol agweddau ar y pwnc • arddangos amrywiaeth o adnoddau iaith • gafael gadarn ar ramadeg a chystrawen 	10 - 12

	AA2 - ystod y marciau (20)		AA3 - ystod y marciau (20)
<ul style="list-style-type: none"> • crynhoi rhai ffeithiau perthnasol a'u cyflwyno'n gywir • arddangos dealltwriaeth foddhaol o'r cysyniadau • dadansoddi ac ymresymu'n lled foddhaol • datblygu ac ehangu ar y prif syniadau • defnyddio ambell gyfeiriad penodol at y testun a defnyddio rhai dyfyniadau addas • trafod agweddau ar arddull a ffurf/mesur • defnyddio rhai termau gwerthfawrogi llenyddiaeth • ychydig o groesgyfeirio rhwng gwahanol destunau wrth ymdrin â gwahanol agweddau ar y thema/themâu ac ambell dechneg arddull 	7 - 9	<ul style="list-style-type: none"> • defnyddio iaith yn briodol i fynegi syniadau a dadleuon • dangos ymwybyddiaeth o drefn, dilyniant a chywair wrth gyflwyno gwaith • arddangos peth amrywiaeth o ran adnoddau iaith • arddangos gafael foddhaol ar ramadeg a chystrawen 	7 - 9
<ul style="list-style-type: none"> • cyflwyno rhai ffeithiau perthnasol • arddangos dealltwriaeth o ambell gysyniad • ymresymu a chyfeirio at rai elfennau penodol • datblygu ac ehangu ar rai syniadau • defnyddio ambell gyfeiriad penodol at y testun ac ambell ddyfyniad • trafod rhai agweddau ar arddull a ffurf/mesur • defnyddio ambell derm gwerthfawrogi llenyddiaeth • creu ambell gymhariaeth rhwng gwahanol destunau 	4 - 6	<ul style="list-style-type: none"> • defnyddio iaith i fynegi syniadau a dadleuon uniongyrchol yn glir ac yn effeithiol • dangos peth ymwybyddiaeth o drefn, dilyniant a chywair wrth gyflwyno gwaith • defnyddio ystod o eirfa a phatrymau addas • arddangos gafael resymol ar ramadeg a chystrawen 	4 - 6
<ul style="list-style-type: none"> • Mae'r ymgeiswyr hyn yn llwyddo i ddangos rhai nodweddion cadarnhaol ar adegau yn unig. 	0 - 3	<ul style="list-style-type: none"> • Mae'r ymgeiswyr hyn yn llwyddo i ddangos rhai nodweddion cadarnhaol ar adegau yn unig. 	0 - 3

***Wrth ddyfarnu marciau i AA3 sylwer bod angen ystyried y ddau/tri phwynt bwled cyntaf yn ogystal â'r ddau bwynt bwled olaf. Rhaid i'r marc iaith fod o fewn un band marcio (yn uwch neu'n is) i'r marc cynnwys.**

ADRAN B

2. Y Gymraeg mewn Cyd-destun

AA3 - ysgrifennu	AA3 - ystod marciau
<ul style="list-style-type: none"> • ysgrifennu'n gryno gan ddewis a dethol syniadau perthnasol a phriodol yn feistrolgar • saernïo'r gwaith yn fwriadus gan sicrhau undod i'r gwaith • defnyddio'r cywair priodol yn hyderus i'r pwrpas / cynulleidfa • defnydd hyderus o hanfodion y ffurf • arddangos cyfoeth o adnoddau iaith • meistrolaeth drylwyr ar ramadeg a chystrawen 	32 - 40
<ul style="list-style-type: none"> • ymdrech dda i ysgrifennu'n gryno gan ddangos gafael sicr ar ddewis a dethol syniadau perthnasol a phriodol • saernïo'r gwaith yn ofalus gan sicrhau undod i'r gwaith • defnyddio'r cywair yn briodol a chyson i'r pwrpas / cynulleidfa • defnydd priodol o hanfodion y ffurf • arddangos adnoddau iaith da • arddangos gafael sicr a chywir ar ramadeg a chystrawen 	26 - 31
<ul style="list-style-type: none"> • ymdrechu i ysgrifennu'n gryno gan llwyddo i ddewis a dethol syniadau perthnasol yn eithaf da • cynllunio'r gwaith yn ofalus er mwyn ceisio sicrhau undod i'r gwaith • defnyddio cywair yn briodol ac addas ar y cyfan i'r pwrpas / cynulleidfa • defnydd priodol ar y cyfan o hanfodion y ffurf • arddangos amrywiaeth o adnoddau iaith • gafael gadarn ar ramadeg a chystrawen 	20 - 25
<ul style="list-style-type: none"> • llwyddo i ddewis a dethol syniadau perthnasol ar y cyfan • cynllunio'r gwaith yn lled ofalus • rhoi peth sylw i gywair priodol ac addas i bwrpas / cynulleidfa • rhoi peth sylw i hanfodion y ffurf • arddangos peth amrywiaeth o adnoddau iaith • arddangos gafael foddhaol ar ramadeg a chystrawen 	14 - 19
<ul style="list-style-type: none"> • ymdrechu i ddewis a dethol syniadau perthnasol • dangos ymwybyddiaeth o drefn a dilyniant wrth gyflwyno'r gwaith • dangos ymwybyddiaeth o gywair addas i bwrpas / cynulleidfa • dangos ymwybyddiaeth o hanfodion y ffurf • defnyddio ystod o eirfa a phatrymau addas • arddangos gafael resymol ar ramadeg a chystrawen 	8 - 13
<ul style="list-style-type: none"> • Mae'r ymgeiswyr hyn yn llwyddo i ddangos rhai o nodweddion cadarnhaol ar adegau yn unig. 	0 - 7